



## **Universitätsbibliothek Paderborn**

**Cornelii Jansenii Iprensis Episcopi Augustinus Europaeus  
Perperam Dictus**

**Wavre, Philippus van**

**Antverpiae, 1709**

§. 2. Jansenianorum Thrazonismus de perfecta S. Augustini cum  
Jansenianiâ Doctrinâ consensione non pertimescendus.

**urn:nbn:de:hbz:466:1-39351**

3 DISSERTATIO

§ 2.

JANSENIANORUM  
THRAZONISMUS

*De Perfectâ S. Augustini cum Janse-  
niana doctrina confensione  
non est pertimescendus.*

esp. 6.

Quemadmodum Hæterodoxi , divinorum obtentu eloquiorum , profanas novitates suas obvelare nituntur; ita & sacrorum authoritate Scriptorum interpretamenta sua assolent , licet perperam , constabilire : atque Scripturas jactantes , & Doctorum Ecclesiæ molem oggerentes infirmos capiunt , & medios cum scrupulo dimittunt. Ita Pelagianorum Coryphæus ( Julianum dico ) Oris Aurei effata contra Augustinum protulit , ut Catholicam ejus doctrinam , quam Manichæam calumniabatur , tanti Doctoris Authoritate convelleret. Præfidentis vocem Palæstritæ Augustinus ipse refert libro 1. contra Julianum : *Sanctus Joannes Constantinopolitanus negat esse in Parvulis originale peccatum.* Cui respondet : *Itane ista verba Sancti Joannis Episcopi audes , tamquam è contrario tot taliumque sententiis collegarum ejus opponere , eumque ab illorum concordissima societate sejungere , & eis adversarium constituere ? ab sit , ab sit hoc malum de tanto viro credere , aut dicere.* Ab sit inquam , ut Constantinopolitanus Joannes de baptimate Parvulorum , eorumque à paterna Chirographi liberatione per Christum , tot ac tantis Coëpiscopis suis , MAXIMEQUE ROMANO INNOCENTIO , Carthaginensi Cypriano , Cappadoci Basilio , Gregorio Nazianzeno , Gallo Hilario , Medio-

## PRODROMA. 9

*Mediolanensi resistat Ambroſio.* Ac tandem post dissipatas, clarioribus S. Joannis Chryſostomi testimoniis, offusas à Julianō tenebras, Augustinus fauces ei premit: *Audisne hominem in fide Catholica, & Eruditum, & Erudientem distinguenter debitam paterni Chirographi, quod hæreditarium nobis in-hæſit, ab eis debitis, quorum per nostra peccata fœnus accreuit?* & sub finem capitū: *Ecce cui viro, quam magno Christianæ fidei, atque hujus Catholicæ dogmatis defensori, voluisti vestrum dogma supponere.*

Ecquis nesciat Berengarium contra veritatem Corporis Christi in Augustissimo Sacramento Augustini testimonia ad-globeras, ac pariter per Augustini eloquia à Guitmundo, & aliis veritatis Catholicæ Athletis fuisse superatum?

Revomuit Joannes Calvinus aconitum Berengarii trinā Palinodiā eructatum: & contrita tela restaurare nixus, afferere non erubuit: *Pau- Calvinus  
cis ostendam Augustinum sine controversia totum esse l.4. Institut.  
noſtrum.* Et de Joanne Wiclefo, in opere de Sacramentis, Thomas Waldensis idem attestatur, ita illum affatus: *Dicis Augustinum tuum, & inde Thomas  
Sectatores tui glorianter Te cognominant JOANNEM  
AUGUSTINI.* Sed has Jactantias nil morati Ecclesiæ Catholicæ Doctores, affatim evictum dedere, nil patrocinii ex Augustino impiis dogmatibus mutuari posse, pſeudoque Augustinos illos Africani, seu veri Augustini Maximi Ecclesiæ Doctoris fulgore perstrinxerunt, prout mecum Orbis non dubitat universus Romano-Catholicus; & si opus, Calvinianis ipsis demonstrando sumus.

Hoc ipsum est quod in hoc opere demonstratum imus: nil penitus Jansenianæ Pentadi, ejusque Authori Irenesium Præſuli, cum Hippoñensi, ejusque Sacro-sancta doctrina esse commune: ita ut palam fiat quā fronte Philalethes Apologiam

A 5

novam

## 10 DISSERTATIO

Polemico  
pag. 4. in  
fine.

novam pro Sacro-sancta Jansenij doctrina Gallo-  
rum idiomate conscriptam in medium proferat.

Nil me proinde Lepidè nimis Triumphum  
sibi pollicentis Philalethis voces calamistratæ  
terrent: nil inusitato inflata tumore buccina  
Martem accendens, & ad testimonia omnium  
Latinè callentium in Republica Christiana pro-  
vocans in eodem Polemico adversus Irenicon:  
Huc jam intendendi nervi, ..huc lacerti expediendi,  
huc contrahendum, quidquid quis pro Bulla Clemen-  
tina, sive animis, sive arte valet: Cetera intempestiva,  
inutilia, præpostera, parerga omnia: Sic CLAS-  
SICUM CANO, sic ad nova Certamina PROVOCO  
sic cjeo in Prælia, si vir est, Philirenum ipsum;  
ut qui Apologiam novam pro SACRO-SANCTA JAN-  
SENII Doctrina Gallorum idiomate conscriptam,  
lacessere in animum induxit suum. Et rursum  
fol. 5. Concordem esse Augustinum Europæum cum  
Africano, ita radiis solaribus, omni homini partium  
studio non præpedito, micat, ut in hanc rem arbit-  
ros appellare non dubitem, quotquot Latinè callent  
in Universâ Republica Christianâ. Nam præter ani-  
mum sincerum, Latinæ lingue notitiam, &  
qualemcumque ingenii captum, ad palpandam istam,  
quasi manu, consonantiam, aliud, me Judge, non  
requiretur. Faciat periculum, cui aliquid otii, &  
Sanctæ curiositatis, ad gustandum Christianæ pie-  
tatis genuinum nucleus, Deus dederit. Non pige-  
bit impensa operæ. Pinguescet anima ejus. ME-  
DULLAM TRITICI, & SANGUINEM UVÆ COMBIBET  
MERACISSIMUM: satiabitur planè uberibus Consola-  
tionis Cælica. VIDEBIT ET AFFLUET, MIRABITUR  
ET DILATABITUR IN corde suo. Audet tamen, qui  
nec Deum nec hominem formidare videtur, hu-  
militatis Paræneticum agere, dum ipsit subsequenter:  
Si tamen ad percipienda humilitatis  
Christianæ mysteria animum attulerit humilem, &  
ab

PRODROMA. II

ab æternâ illâ luce, coruscante super mentes hominum, (de qua ineffabilia leget) instrui sientem.

§. 3.

OCCASIO SCRIBENDI

*Est audax exprobatio, & Provocatio Aviti Academicici, & Pauli Aurelii Jansenianæ hæresios Defensorum.*

**E**go autem, absit, ut ad Monomachiam Vos proximam vocem, quos ubicumque apparueritis, ubique diffusus Christi debellat exercitus. Aug. l. 3. cont. Jul. c. 1. Unus sum è multis, qui profanas vestras novitates, ut possumus, refutamus. Idem lib. 6. c. 8. Sed ô si pax Christi in tuo corde vincat, & bona pænitentia de malâ verecundiâ palam ferat. lib. 2. cap. 5.

Horresco referens contumelias, & verba male-dica, quibus Romanos Pontifices conspuunt, perjuriorumque per juratum Formularium Alexandrinum reos agunt, & tela sacrilega, quæ in Apostolicam Cathedram jaculantur in Janse-nium devoti, in Augustinum irreligiosi *Avitus Academicus*, & *Paulus Aurelius*: aliqui, consimili titulo phalerati, acuti admodum, & diserti, sed à veritate déserti convitiatores, quibus illud S. Augustini apprimè convenit: Non timemus, cum videmus factum esse re Tullianum. Imo potius Aug.lib. 1. dolemus insanum, cum videmus perdidisse Chri- op. Imperf. stianum. Illos in excursu pro meritis encomiis in- c. 22. sectaturi sumus, geniumque vivis coloribus effigiaturi. Nunc quod ad scribendum nos compulit